



湖南苗防屯政考

7邊 4
1992
5



門 7 4
號 1332
卷 5



湖南苗防屯政考卷四

二品銜前署湖南辰永沅靖道但湘良纂

征服下

奏黔苗滋事親赴邊界摺

嘉慶六年

湖南王柄

奏為黔苗滋事

奴才

親赴邊界密為防範並現在三廳地方極為安

謐奏慰

聖鑒事本年三月十五日接據鳳凰永綏廳營稟報貴州松桃廳平頭

司匪苗糾眾焚搶民村各等情奴才查鳳永廳營苗界深處與黔

寨處處相通難免勾結從前戡定時原將楚省苗寨舊時營汛撤

出設立土塘責成苗弁管束散苗因黔苗稍順借黔寨以禦楚苗

湖南苗防屯政考

卷四

征服下

今黔苗蠢動誠恐楚苗附和同行奴才隨派左營遊擊張樾前赴黔界確探情形一面咨移鎮道並嚴飭各廳營慎密邊防督飭苗弁管束散苗務使黔苗不能勾結楚苗不敢出境茲與鎮道廳營商定鳳凰廳自黔楚接壤之龍潭河起至永綏交界之泛石岩止計長一百餘里添設三十六卡永綏自茶洞汛起至仁廣寨止共一十六處各派添兵勇苗兵酌加鹽糧密羅分布凡有黔苗潛行糾約或逃竄前來以及楚苗出界附和俱令擒獻領賞並酌派練勇一千名苗兵五百名令知府銜同知傅鼐都司唐光盛於接壤最要之處往來屯劄飭令各寨同心堵禦復藉巡閱之便親赴沿邊一帶鎮靜彈壓總期斷絕楚苗附和黔兵不防楚苗專力逼剿

迅速戴事仰慰

聖衷現在楚省三廳民苗各安畊鑿極其甯謐所有籌辦邊防親身巡閱並地方安靜緣由理合恭摺馳奏伏祈

皇上聖鑒謹奏

聖衷

聖衷

奏黔苗滋事楚省防堵摺

嘉慶六年

湖南巡撫馬慧裕

奏為據報黔苗滋事楚省現在約束防堵情形恭摺奏

聞事竊臣於三月十七日以後准據提鎮辰沅道及鳳凰永綏二廳

先後咨稟准貴州松桃廳協知會所屬平頭司地方於三月初四

日夜被苗匪焚掠業經通稟會同查捕恐苗匪窮竄蔓延移會一

體防堵等因該文武於未准移會之先已據差弁等探報當經分

別酌派兵勇前赴接壤要隘處所相機防範等情臣查楚省苗疆

鳳凰永綏兩廳均與黔省毗連沿邊三百餘里苗寨縱橫犬牙相

錯今黔匪蠢動苗人氣類相通不無勾結附和情事而黔省既經

籌剿尤恐被勦情急闖入楚境必須於各廳沿邊扼要地方分設

湖南通志

卷四

征服下

三

卡座嚴密巡防並駕馭苗弁約束散苗俾各安分守法不致暗結助勢方爲妥善隨即分別移行一體會商籌辦去後茲復准據各處咨稟鳳凰同知傅鼎先經稟商鎮道會同營員傳集三營各苗寨弁目開誠曉諭卽於土塘苗兵內挑選一千名酌量借給鹽糧自楚黔交界之龍潭河起由銅岩夯等處至永綏之泛石岩止計長一百餘里共設三十卡令其晝夜堵守道路傅鼎布置後調集隊勇一千名於二十三日帶領前赴貴州正大營會合堵禦並挑選附近苗兵五百名交都司唐光盛等帶領預備接應巡查苗卡并據稱經過民苗村寨苗人等均知感畏沿邊一帶屯畊無警永綏同知王廷瑛護副將于天祿亦經稟商鎮道於黔楚接壤之茶

洞汛等十六處共添撥兵四百九十名苗兵一千五百四十名酌給鹽糧按卡分佈王廷瑛親身查勘並開導苗弁約束管下苗人毋得容畱黔匪暗中附和該弁等俱各凜遵出結鎮筰鎮臣富志那挑備四營精銳官兵五百名俟貴州撫臣到銅會商再進綏靖鎮臣魁保亦馳赴永綏酌籌督辦提臣王柄先經差委游擊張樾前往永綏會同該處文武查辦仍酌量何處緊要卽親帶官兵馳往接應各等情前來查此次黔苗滋擾焚掠松桃平頭司地方探係上潮石峴等寨匪苗爲首糾約續據偵報蔓延至鎮遠府屬之四十八溪現聞貴州撫臣伊桑阿派撥兵勇分路搜捕防堵更關緊要楚省苗疆提鎮道員及各該廳協均熟悉苗情兼之文武同

心協籌布置頗為妥協臣復又諄切移行務須督率各卡員弁兵勇實力防守凡有黔苗入境即擒獻領賞並嚴飭苗弁認真約束散苗杜黔匪竄入之路絕楚苗附和之端俾黔苗勢孤黨解黔省不虞楚苗之牽綴得以專力進攻仍俟黔兵勦進楚界即相機會合兩面夾擊以期迅速肅事仰慰

皇上綏靖邊圉之至意除咨會貴州撫臣查照外所有黔苗滋事楚省現在約束防堵情形謹恭摺由驛奏

聞伏乞

皇上聖鑒謹 奏嘉慶六年四月十七日奉 硃批另有旨欽此

附奏苗疆畱防兵勇未便遽行裁撤片

嘉慶六年

湖南巡撫馬慧裕

再查楚省苗疆畱防兵勇前經督臣書麟等會籌具奏酌於本年二三月間先撤防兵一千名四五月春耕後再撤添防兵勇一千五百名秋收後將原防兵勇次第盡數裁撤欽奉

硃批因時制宜務期妥協鄉勇應否裁撤總以苗情安靜為度節省幾月錢糧殊不足計欽此仰見我

皇上慎重苗疆權衡緩急不勝欽服茲值黔省匪苗滋事楚疆正當防禦吃緊之時自未便遽行撤減應請俟黔省勦捕事竣楚省苗情安靜再行奏明酌量以次裁撤斷不敢因循畱設虛糜錢糧亦不

敢願惜小費致誤地方理合附摺具奏伏乞

聖明睿鑒訓示謹奏奉

硃批甚是欽此嘉慶六年四月十七日奉

上諭馬慧裕奏廣東撥赴湖北補額兵丁業經書麟行文停止但現在頭二起兵已過長沙請仍飭令趨赴軍營其未入楚境之兵卽令就近截回所辦甚是至另摺所奏黔苗滋事楚省現在約束防堵情形楚省苗疆均與黔省毗連難保無勾結情事馬慧裕務當督率文武員弁於黔楚接壤要隘處所分布營卡嚴密巡防倘有黔苗潛竄入境立即隨時擒獲其安分楚苗惟當妥爲綏輯持以鎮靜勿令驚疑此爲最要再另片所奏苗疆畱防兵勇未便遽行裁撤一節裁撤兵

勇原當隨時酌量辦理朕曾經批示總以苗情安靜爲度節省幾月錢糧殊不足計今黔苗又有焚掠之事楚省苗疆正資防範所有畱防兵勇著俟黔省剿捕事竣楚省苗情安靜時馬慧裕再行酌量情形奏明以次裁撤將此由四百里諭令知之欽此

Blank page with vertical lines, likely a separator or a page with very faint text.

覆奏黔楚苗匪勾結情形摺

嘉慶六年

湖南巡撫馬慧裕

奏為遵

旨據實覆奏事本年四月二十五日承准軍機大臣字寄四月十八日奉

上諭現在黔苗滋事節據馬慧裕王柄奏報祇稱楚省苗疆與黔省毗連恐有勾結情事派兵在沿邊防堵並未提及黔苗滋事有楚苗在內本日據琅玕奏稱係楚苗前往勾結與馬慧裕所奏不符若本係楚苗勾結黔苗起事經楚省官兵轟出遂稱楚苗現在安靜此則不可楚苗既能赴黔煽誘安保其不又潛回本境勾引伊等親友幫助為匪馬慧裕務當飭令傅鼐等畱心防範嚴密查拏但須持以鎮靜

不可稍涉張皇並將楚苗如何潛往勾結及因何啟釁迅速據實具奏毋得迴護等因欽此遵

旨寄信到臣伏查此次黔苗滋事先准據提鎮道廳咨稟接據貴州松

桃廳協知會所屬平頭司地方被苗匪焚掠業經通稟查捕恐苗匪窮竄蔓延移會防堵等因並未提及有楚苗在內臣因黔楚苗寨毗連恐有勾結情事行據各該文武設卡防禦當經奏蒙

聖主垂鑒嗣准貴州撫臣伊桑阿鈔摺移咨內稱查係銅仁府所屬石

峴上潮等十四寨窮苗與楚苗互相勾結焚掠滋擾等語則是又有楚苗在內復經飭查去後茲據鳳凰同知傅爾稟稱現在探聞黔省官兵攻克石峴匪寨首夥全獲業已辦理完竣並准貴州松

桃胡同知先後移稱拏獲楚苗麻添保隴老翠隴老九隴老文訊據供認被上潮隴通明隴通枚及石峴白老寅等糾約搶掠等語且查石峴匪巢深處黔疆距楚邊苗寨百有餘里中隔黔屬正大構皮盤石麥地等營汛並未接壤毗連楚苗亦不能越百里之外圖佔田地自係黔苗起意勾結楚苗前往滋事該廳傅爾現住新寨苗地督飭弁目確查附和楚匪嚴密拘拏一俟就獲錄供稟辦等情查黔楚苗人犬羊成性氣類相通非特不保黔苗之不暗中糾約並不能保楚苗之必不起意勾結惟在隨時查察有犯必懲俾知懾威斂跡無所容其諉卸此次楚苗麻添保等越赴黔省聽從滋事既據松桃同知錄供移會併查石峴匪寨距楚邊苗寨百

有餘里楚苗自不能於百里之外起意圖佔民田是該犯等先經聽糾越擾黔民迨楚省嚴密防堵眾苗均各感畏懾服未經擾及楚地邊境救甯係屬實在情形今黔省已將首夥各犯全行拏獲其因何啟衅如何勾結未准錄供咨會現復嚴飭傅甯等確查附和餘匪務期按名弋獲究訊確情即行據實奏

聞斷不敢稍有迴護仍分別移行各該文武一體遵照加意巡防鎮靜查辦毋得少有疏縱亦不得過涉張皇以仰副
皇上鎮輯邊疆之至意謹恭摺據實覆奏伏乞
皇上聖鑒再欽奉

諭旨吳省蘭請將辰永沅靖四屬報捐監生之人即以穀石按數完納

留為碾辦兵米著交馬慧裕體察情形妥為安設具奏等因欽此

現與藩司通恩通盤酌核妥為籌議另咨奏請

皇上訓示施行合併陳明謹

奏

備後卽自鎮筵前往查得永綏花園一帶邊防謹密苗情亦極安靜本月十一日回查至保靖途次接據同知傅爾稟稱卡隘兵勇截獲黔省石峴竄匪白三回白銀保白明保三名上潮田老四一名長坪隴老滿一名訊稱鳳凰廳屬之雞籠蘇麻風桶三寨苗人聽從焚搶者共有三百餘名該員卽同都司唐光盛署守備事千總楊昌禮等帶領兵勇於雞籠蘇麻風桶三寨適中險要山梁屯劄示以威稜究獲石老兩等六十一名各供認聽從搶劫不諱而雞籠一寨聚匪尤多恃險藏奸不行勦除難絕後患隨稟商鎮道會同都司唐光盛署都司藍枝鳳署守備楊昌禮等帶領兵勇苗兵於四月二十三日先將雞籠寨攻破砍獲首級四十一顆耳記

五十七對卽欲乘勝分路圍搜蘇麻風桶二寨據隨征苗備隴秀才吳顯科等叩頭稟稱該二寨良莠不齊懇求寬恩願卽縛獻該員准其具限拏送後卽前赴黔營隨同勦匪續據苗備隴秀才吳顯科等依限縛獻餘匪石九桑等四十三名現經該員陸續解赴鎮筵各等情奴才得信時卽由保靖途次馳轉鎮筵會同鎮道審訊確供分別辦理會同撫臣馬慧裕恭摺具奏所有勦獲匪犯及奴才馳往察辦緣由先行奏

聞伏乞

皇上聖鑒謹

奏嘉慶六年五月二十二日奉

硃批祇可如此了結另有旨欽此同日奉

上諭王柄奏剿擒附和黔寨滋事匪苗馳回鎮筭審辦一摺覽奏俱悉此係傅鼐未赴黔營以前之事黔苗竄入楚省既經擒獲解赴鎮筭自應審訊明確會同馬慧裕分別具奏該寨苗人良莠不齊業已畏罪縛獻祇可如此就案了結亦不必過事搜求若獲犯供出尙有一二匪苗在他寨潛匿者毋庸展轉株連致滋驚擾將此諭令知之欽此

會奏拏獲楚界赴黔匪苗摺

嘉慶六年

湖南提督王柄
湖南巡撫馬慧裕
鎮筭總鎮富志那

奏為楚界匪苗聽誘赴黔燒搶現今拏獲暨苗弁縛獻各犯公同審辦奏

聞事竊照本年三月內黔省石峴及上下潮等寨匪苗滋事當經臣等督飭文武員弁於楚南沿邊一帶安設卡座酌撥兵勇嚴密巡防並駕馭苗弁稽查約束旋因查有楚苗被糾越境助勢復又嚴飭鳳凰廳同知傅鼐等密切偵拏務期按名弋獲確訊辦理即經臣馬慧裕奏蒙

聖鑒嗣據傅鼐稟稱先後據兵勇於卡隘截獲黔屬石峴寨匪苗白三

回白銀保白明保上潮田老四長坪隴老滿等五名訊據供稱鳳屬雞籠風桶蘇麻三寨與黔寨附近該犯等先經潛來勾結楚苗石老兩隴老坦等轉糾散苗共有三百餘名隨往燒搶伊等因黔屬嚴捕竄至楚界等情傳聞就近密商臣富志那及辰沅道鄭人慶傳集上中營各寨苗目剴切開導諭以只究苗匪並不株連苗備隴秀彩吳顯科率同弁目人等情願協力追拏經傳聞會同都司唐光盛署守備事千總楊昌禮帶領兵勇於雞籠等三寨適中險要山梁屯劄示以威稜究獲石老兩吳老坦等六十一名訊據供認被石峴等寨苗逆白老寅等糾約燒搶不諱而雞籠一寨聚匪尤多必須乘此殲除以絕後患傳聞隨同都司唐光盛署都司

藍枝鳳署守備楊昌禮等帶領兵勇於四月二十三日相機進捕臣富志那與道員鄭人慶親往督兵策應將雞籠寨密圍攻破砍獲首級四十一顆耳記五十七副卽欲乘勝圍搜蘇麻風桶二寨據苗備隴秀彩吳顯科等帶同弁目叩求寬恩願卽縛獻臣富志那與道廳面商以該二寨良莠不齊既經苗備等懇求應准其具限拏送旋據苗備隴秀彩吳顯科等擒獻餘匪石九桑等四十三名傳聞於五月初八日在黔營隨同勦捕事竣旋楚帶押回城臣王柄於保靖途次接據稟報獲犯當與臣馬慧裕奏明馳赴鎮筵察辦與臣富志那會率道廳及署浦市通判姚興潔將先後追獲及苗弁縛獻各犯逐一提訊據各犯供認實因石峴匪苗白老寅

白三回併上潮之隴通明等先後潛來各本寨勾結並許以搶得財物分給楚苗田土則歸伊等耕種該犯等因而輾轉聽從隨同前往肆行燒劫各得牛隻銀錢衣物花用各供不諱嚴加詰問據僉稱三寨內往黔搶掠各止有一百餘人及七八十人不等共原有三百多人除在黔地被官兵勦殺餘均被拏及被苗官縛獻此外俱安耕守法亦無別寨匪苗附和潛匿各矢供不移臣等查石老兩吳八月隴老吳雙補石隴奇等各於本寨倡糾多匪越至黔境疊次放火燒村劫掠同惡相濟情罪均無可逭石老兩同勾引之雞籠寨苗吳黨叟等共二十九名吳八月同勾引之風桶寨苗隴進曰等共十九名隴老吳同勾引之風桶寨苗隴老滿等共

二十名吳雙補同勾引之蘇麻寨苗石老文等共十五名均各依苗人聚眾燒村劫殺擬斬立決例俱斬立決各該犯均情罪重大未便稽誅臣等審核明確臣富志那會道提犯驗明處斬仍將石老兩吳八月隴老吳與吳雙補石龍奇五犯首級於犯事各寨懸示以昭懲戒擒獻匪苗之苗備苗弁及協捕各出力員弁容另察明恭懇

恩敘所有審辦緣由謹會同督臣具奏伏祈

皇上聖鑒再前此堵獲黔省竄匪白三回白明保白銀保田老四隴老滿等五名業經傳解歸雲貴督臣行營質追餘匪聽歸黔案辦理合併陳明謹

奏嘉慶六年六月十二日奉

上諭馬慧裕等奏拏獲赴黔燒搶之匪苗並苗弁縛獻各犯審明分別辦理一摺覽奏俱悉楚苗石老兩等各於本寨倡糾多匪越至黔境放火劫掠實屬罪無可逭馬慧裕等於擒獲縛獻後訊明赴黔煽惑緣由即將石老兩等一百餘名正法已足示懲其餘苗民既各安耕守法極知畏懼馬慧裕等自當飭屬明白曉諭妥為安撫斷不可過事搜求致有驚擾其沿邊苗疆一帶該撫等仍當隨時留意巡防以期邊界甯謐為要至永綏廳城應否移駐花園前已降旨交馬慧裕等查明具奏該撫等務當察看該處情形會同悉心妥議具奏將此由四百里諭令知之欽此

奏銅松苗匪焚搶摺 嘉慶六年

貴州 巡撫 伊桑阿

奏為銅仁松桃一帶匪苗焚搶滋事前往查辦情形先行恭摺奏聞仰祈

聖鑒事本年三月初九日亥刻據銅仁府稟報松桃廳屬之平頭司地方忽有苗匪於初五日夜晚焚燒居民房屋搶掠錢糧延及鎮遠屬之四十八溪地方又據松桃廳鎮遠縣稟報相同復據署鎮遠鎮總兵定廣協副將秦林稟報接據松桃協所稟即於初九日前赴銅仁查辦各等情據此查該處苗人甫經戡定何以又有焚搶之事是否漢奸欺壓苗人激成事端或係無業窮苗出而搶掠自應悉心查辦且該處界連楚省之鳳凰廳尤關緊要倘係楚苗越

界滋擾勢須以兵威懾之使之畏懼斂跡當卽在於撫標左右兩營黔城城守營內挑選曾經出師之壯健兵丁五百名交與藩司常明撫標中軍參將雙林於初十日帶領前赴銅仁查辦至奴才到任後凡松桃一帶邊要重地理應前往巡閱本擬四月內辦完秋審後卽親詣巡查茲該二處現有苗匪滋擾奴才卽借巡查之便亦於次日帶同貴東道周緯馳赴該處相機辦理迨行抵鎮遠府途次接據松桃協廳稟報查係銅仁府所屬石峴上潮等十四寨窮苗與楚苗互相勾結在於平頭司沙坵場及四十八溪各地方焚搶滋擾銅仁府縣境內被掠尙輕惟松桃廳屬及附近四十八溪龍眉目等處擾害稍重等情奴才查鎮遠府爲通省門戶而四

十八溪又爲鎮遠鎖鑰設有疎虞則路徑紛歧難以堵截且旣係楚黔苗匪互相勾結恐致蔓延難遏不得不添派官兵前往擒堵惟所調官兵若俱由銅仁松桃前進恐苗匪因見此路空虛更生覬覦是以奴才暫駐鎮遠帶同貴東道周緯鎮遠府知府張揮吉招募鄉勇於要路處所設卡堵禦並卽挑選鎮標兵丁四百名又於附近之各協營內並台拱等衛屯軍酌量調派共計兵三千餘名令其分赴四十八溪及銅仁等處接應備用一面專差員弁前往查探旋據稟報附近四十八溪之龍眉目地方居民房屋燒燬過半傷斃數十人擄去人口牲畜向鎮遠銅仁必由之江口總路先因苗匪梗塞迨派兵前往雖經路通而苗匪依然窺伺所幸四

十八溪未曾焚搶等情並據藩司常明來稟黔苗附從楚苗滋擾者共十四寨業經飭令苗弁帶同良苗以及鄉勇設立內外卡防兜圍堵截統俟官兵到齊勦辦等語奴才當卽札飭藩司常明令其嚴設卡防相機攻勦並重立賞格擒拏首匪而散餘黨撫恤難民俾安眾心總期迅速戡事仰慰

慈厘

現在鎮遠緊要隘口俱已防範嚴密奴才隨帶同貴東道周緯馳詣銅仁沿途一帶留心察看居民尙屬安堵惟被難逃出在郡聚集者尙多亟須撫恤隨委該道周緯率同銅仁府知府劉雁題被難人民擇其精壯者充當鄉勇隨同兵屯設卡堵禦稍次者令充夫役給與僱價老幼婦女酌給口糧分爲安置並查銅仁附近僻

徑尙多在在可通楚屬奴才卽飭著鎮遠鎮總兵定廣協副將秦林署大定協副將陳時昌於城外山梁駐札營盤以資捍衛又派署銅仁協副將劉煊由四十八溪一路帶同兵勇堵禦要隘策應進攻其附近平頭司之太平場地方現有松桃協副將劉廷奇帶兵堵禦當飭藩司常明參將雙林由正大營一路分攻上潮下潮石峴等處逆寨似此兵分各路易於勦辦且常明雙林劉煊劉廷奇等均各屢經出師帶兵熟手可期得力茲據常明稟報拏獲石峴匪苗白老寅楚苗隴老波隴老瞞隴老五吳老四等押解前來奴才率同貴東道周緯親訊實係楚黔苗匪互相糾合肆行燒搶據白老寅供係石峴爲首之犯情罪較重當寸磔梟示其聽從燒

搶之隴老波等四犯亦卽正法以洩民忿奴才伏思黔屬逆苗共十四寨如楚苗畏懼潛回黔省自必斂跡總之逆苗若不剷除則苗匪不知畏懼而民心亦不能平但一寨之中良莠不齊當仰體皇上如天好生之德相機妥辦免累無辜嚴飭藩司常明及帶兵將備等一體遵照並將現辦緣由咨明總督琅玕提督珠隆阿外奴才仍一面飛咨湖南巡撫馬慧裕提督王柄飭屬在於接壤處所嚴密防範如黔苗逃竄赴楚卽行擒拏若楚苗勾結來黔亦卽堵截俾免疎縱一俟常明等具報作何剷辦之處另行馳奏再奴才前據該府廳稟報理應一面具奏一面啟行因未識實在情形不敢稍涉張皇以致上增

聖慮並札致琅玕暫緩前來合併聲明今奴才已抵銅仁所有查辦緣由謹先繕摺由驛奏

聞伏乞

皇上聖鑒謹

奏嘉慶二年四月十七日奉

上諭伊桑阿奏攻克石峴苗寨緊要隘口擒獲賊目白仕柏及苗目田茂武等一摺覽奏俱悉石峴苗寨陡險苗匪等負隅抗拒經伊桑阿飭令常明劉廷奇等分路進剿將賊首苗匪擒獲多名現在官兵已將石峴苗寨兜圍卽可尅期掃蕩其上潮下潮等寨亦必聞風震懾易於辦理伊桑阿惟當督率追剿迅速蕝事若稍有遲延恐附近苗

寨又復潛行勾結以致剿辦需時前已降旨令琅玕馳赴黔省督辦該督接奉後自必迅速往黔如琅玕未到之前伊桑阿業將滋事苗匪辦竣所有善後事宜交琅玕接手經理伊桑阿速赴雲南新任若琅玕到時苗匪尙未辦竣該處剿辦之事卽著琅玕督辦伊桑阿亦卽迅速赴滇接印任事以便初彭齡交任起程來京至苗匪因何起衅緣由此次仍未奏明若係由地方官因事激變伊桑阿亦當據實參奏不可稍涉瞻徇琅玕到黔後亦著將苗匪起事根由遵照前旨先行查明馳奏將此由四百里諭令知之欽此

奏銅松苗匪滋事摺

嘉慶六年

雲貴琅玕總督

奏爲黔省銅仁松桃苗匪聚眾滋事由滇馳赴查辦緣由恭摺奏聞事竊奴才於本年三月十七日接准貴州撫臣伊桑阿來信內稱據松桃等處文武官稟報三月初四五等日有石峴上潮等寨苗匪聚眾多人到處焚燒搶劫擾及鎮遠府屬之四十八溪等情當經飭委布政使常明參將雙林帶兵先往剿捕隨亦親往銅仁一帶查看情形再行詳細知會商辦事之大小輕重尙未得悉囑奴才暫緩來黔以免張皇駭人聽聞等因奴才查苗眾賦性貪殘每因挾有仇隙卽逞兇焚搶事所常有若果係彼此仇殺搶劫旣經委令常明雙林先往剿捕伊桑阿隨卽親往查辦不難立時就獲

究辦但松桃等處係甫經戡定之區各寨苗民膽敢復作不靖焚燒搶劫肆行滋擾想人數自必不少更難保無勾結串通情事惟起事根由及賊勢輕重各處稟報尙未明悉奴才聽聞較遠故未敢遽事張皇然亦不可不先爲籌備當卽飛移伊桑阿確查知照並飭常明雙林等將現在作何辦理及賊勢有無解散各情形詳細稟報並不動聲色於雲南省標內挑派曾經出師鎗箭有準之兵丁五百名密爲預備茲於三月二十六日復接伊桑阿由鎮遠發來一信內稱此次苗匪滋事據常明來稟係楚苗越境勾結黔苗附和共十四寨爲奸約苗匪數千人所有鎮遠府屬之四十八溪地方已委令鎮遠府帶同官兵並雇募鄉勇設卡防範俱已嚴

密其松桃一帶常明稟稱因山路峻險難以進攻已經帶同官兵順苗鄉勇等內外設卡兜圍現在就近飛調屯土官兵一俟到齊卽可進攻伊率同貴東道周緯將鎮遠四十八溪設卡防堵及撫卹難民各事宜籌辦完竣卽親往銅仁一帶查看督辦等語並據常明稟同前由奴才查逆苗十四寨旣設卡兜圍自可乘機痛剿並據伊桑阿咨明湖南在於接壤處所嚴密堵截自不令其再有蔓延似此烏合之眾原不值遽勞師旅但該匪等身處黔疆膽敢與楚苗勾結擾害良民及至官兵勦捕猶不自行服罪投首仍復盤踞巢穴思作負隅自固之謀此等狡惡逆苗實爲

王法所難容人心所共怒若不嚴行懲辦恐將來故智復萌雖不至釀

成大禍而無辜民苗不時受其荼毒為害不淺必須迅速剿捕庶不至曠日持久別生枝節查本省所調官兵屯軍及召募鄉勇為數已屬不少似可敷用所有原派之滇兵自應停其調往奴才仍以查閱營務為名即於二十七日由滇起身兼程前進於四月初四日抵貴州省城復接常明稟報已拏獲為首之逆苗白老寅並楚苗等四名解送撫臣審辦等情看來為首者既已就獲其餘自不難於剿滅奴才拜發摺後即星馳赴銅仁會同撫臣和衷商酌趕緊辦理務使逆苗知有做畏錢糧不致虛糜斷不敢張大其事亦不敢顛預了結除奴才到銅仁後查明辦理情形另行詳悉奏聞外所有奴才由滇馳往查辦緣由謹繕摺由驛馳奏 再提臣珠

隆阿現在兼署安義鎮駐劄興義查銅仁興義二處均係先後戡定之區銅仁逆苗現有滋事之案而興義等處尤不可不嚴加防範奴才當即札知珠隆阿不必赴銅仁即在該處畱心彈壓坐鎮毋稍疎虞理合一並附片奏

聞伏祈

皇上聖鑒謹

奏嘉慶六年四月十八日奉

上諭前據伊桑阿奏報貴州銅仁等處苗匪滋事當經降旨令琅玕迅速前往督辦本日琅玕奏接據伊桑阿來信即由滇起身兼程前進已於四月初四日抵貴州省城馳赴銅仁趕辦所奏甚是伊桑阿初

湖南苗防屯正考 卷四
次摺內稱已將爲首苗犯白老寅等五犯擒獲辦理昨日摺內稱常
明劉廷奇等分路進剿又將賊首白士柏及苗目田茂武等十四犯
擒獲並將石峴緊要苗寨兜圍看此情形自可迅速蕺事琅玕到彼
後務當督率常明等將上潮等寨上緊兜圍尅期辦竣不可稍有遲
緩致苗匪轉相勾結或致蔓延琅玕所云迅速剿捕不致曠日持久
深得要領琅玕上年在貴州巡撫任內辦理該處苗匪甚爲妥速是
以加恩擢任總督茲復令其赴黔督辦該督於黔省苗情較伊桑阿
自爲熟悉而常明曾經帶兵剿辦苗寨亦係熟手諒可迅速蕺事現
在初彭齡已准來京供職滇省需人彈壓伊桑阿竟當遵照昨旨卽
往雲南接印任事不必與琅玕一同在黔辦理至摺內稱常明來稟

係楚苗越境勾結黔苗附和爲奸而王柄馬慧裕先後奏到祇稱黔
苗蠢動派兵在沿邊一帶堵禦並未言及楚苗在黔勾結並著琅玕
查明此次苗匪因何起衅根由一並據實覆奏至另片稱銅仁逆苗
現有滋事之案興義一帶不可不嚴加防範札知珠隆阿不必赴黔
卽在該處彈壓一節與朕前降諭旨相合琅玕惟當遵照節次諭旨
妥速辦理綏靖苗疆以副委任將此由四百里傳諭琅玕並諭伊桑
阿知之欽此

... 奏為攻克石峴苗匪完竣摺 嘉慶六年 貴州 巡撫 伊桑阿 奏為攻克石峴苗匪將黔省楚省首夥各要犯全行擒獲安撫民苗辦理完竣緣由恭摺奏 聞仰祈 聖鑒事 奴才 昨於四月初三日督飭藩司常明暨各將備員弁等攻克石峴要隘西溪四寨當將設卡兜圍情形繕摺奏 聞在案 奴才 伏思石峴苗人於黔省眾苗中最高犷悍且恃窩巢險阻易於潛匿故時有搶奪之事此次與楚苗互相勾結焚燒民寨四十餘處之多傷斃人命擄去婦女並燬及平頭司巡檢外委衙門實屬目無法紀現在攻克西溪等處奪其要隘若不乘時攻剿

奏為攻克石峴苗匪完竣摺 嘉慶六年 貴州 巡撫 伊桑阿

奏為攻克石峴苗匪將黔省楚省首夥各要犯全行擒獲安撫民苗

辦理完竣緣由恭摺奏 聞仰祈

聖鑒事 奴才 昨於四月初三日督飭藩司常明暨各將備員弁等攻克

石峴要隘西溪四寨當將設卡兜圍情形繕摺奏

聞在案 奴才 伏思石峴苗人於黔省眾苗中最高犷悍且恃窩巢險

阻易於潛匿故時有搶奪之事此次與楚苗互相勾結焚燒民寨

四十餘處之多傷斃人命擄去婦女並燬及平頭司巡檢外委衙

門實屬目無法紀現在攻克西溪等處奪其要隘若不乘時攻剿

使知畏懼或至竄近楚境復行糾合則辦理殊費周章奴才於拜
摺後一面分飭各卡嚴密堵截仍令署鎮遠總兵定廣協副將泰
林遊擊陳時昌在銅仁城外山梁紮營彈壓奴才即於初七日帶
領貴東道周緯署銅仁協副將劉煊千總徐又超甘志樂把總齊
賢雲騎尉鄧朝龍等向牛欄場新壘一帶親詣石峴督兵進剿策
應後路惟查石峴匪巢有上中下三寨前臨石浪溪後靠大歸山
其山高峻異常路徑陡險匪苗於官兵攻克西溪之後即將糧食
牲畜及老幼人等搬運上山僅畱强悍驍健者分守各寨以爲抗
拒官兵之計常明及各路將備員弁於初五六等日分佔對面之
老虎山三保營一帶高岡圍逼石峴踞探各處路徑惟上下兩潮

寨旁山勢稍寬可以進兵但兩處苗人俱係石峴夥黨勢須懾以
兵威免致濟惡當挑撥精銳兵勇壓臨寨邊作爲必剿之勢並派
苗弁等諭以利害若於即日內將首先聽從燒搶之頭目一一縛
獻即可各保身命倘執迷抗拒則立刻剿洗悉數駢誅該苗人見
官兵勢大極其畏懼各將爲首之隴通明龍老天龍華探龍老四
等捆縛來營情願隨同官兵攻剿石峴在前引路各路將備等當
即帶領兵勇順苗由上下兩潮分撲石峴匪苗寨落官兵奮勇鎗
礮齊施殲斃五十餘名生擒帶傷者亦復不少所有被難之民見
官兵在前攻剿乘勢搶獲米糧牲畜等物燒燬匪寨苗人即逃上
大歸山拒守彼時奴才亦即趕到隨傳諭各將備等四面兜圍暫

緩攻擊初八日黎明派令松桃協副將劉廷奇守備趙大開知縣張源帶領官兵攻打左首山梁參將雙林守備陳廷玉縣丞劉日炳帶領兵勇攻打右首山梁署清江協副將烏雲珠千總劉子玉署知縣崔林帶領兵勇攻打山後藩司常明遊擊張明成把總蘇元署松桃廳經歷李盛佐帶領兵勇順苗攻打山前又派貴東道周緯知府劉雁題程卓梁隨營委員黃似瑤辜進龍維祚湯汝棻陳似沅朱輔臣周燾鄭英等帶領屯軍鄉勇前後左右往來策應維時官兵奮勇爭先常明劉廷奇雙林烏雲珠各督兵搶上山腰四面攻擊鎗箭並發傷斃者甚多而山梁上尙有執旗一人指揮眾苗亦分四路冲壓毫無畏懼奴才即傳令帶兵各員先向執旗

之人指定放鎗當即擊斃餘眾四散奔竄兵勇一齊追殺生擒三十餘人內有大頭目何秩生等七名餘眾勢窮力盡拋擲器械吶喊乞命藩司常明即令署松桃廳經歷借補開州吏目李盛佐帶同苗守備田老觀進前諭以若果投誠即免誅戮各苗人俱環跪求饒計男女老幼五六百人紛紛下山訊其爲首各犯實係白老寅白士柏隴老八何秩生吳老觀隴勝保楚苗麻添保隴老翠隴老九隴老文等今白老寅白士柏前經兵勇臨陣擒獲其隴老八一名即係山上執旗之人業經鎗斃此番白老寅等與楚苗互相糾約原圖搶擄財物佔踞漢民田土是以眾苗隨同肆行焚搶僉供如一奴才審明後即將爲首之何秩生吳老觀隴勝保楚苗麻

添保隴老翠隴老九隴老文七犯並上下兩潮縛獻之隴通明隴老添隴華保隴老四等立時分別正法傳首各犯事地方俾苗人知所做惕現在投誠之老幼男婦人等酌量安置逃散之人招撫歸業其附從石峴匪苗之零星小寨亦經策應各員弁或勦或撫全行平定奴才遍視石峴匪巢共十四大寨內有小寨二十餘處皆依山靠澗毘連楚省苗寨該匪苗之恃險玩法已非一日此次仰仗

天威擒獲各首犯隨時正法眾苗人目覩之下人人震懼被難之民均各心平奴才仍移咨湖南提督王柄飭屬在於接壤處所嚴密防範俾免越境滋擾至奴才受

皇上天高地厚之恩至深極重未能安輯民苗先事預防致滋事端心甚惶悚且係本省調兵所需鹽糧等項費用無多奴才即同司道府等捐廉辦理毋庸另請開銷惟所調官兵雖為期僅止一月而奮勇爭先登山越嶺頗為出力奴才業經按每兵一名捐賞銀一兩以示鼓勵而廣

皇仁所有勦辦石峴匪苗完竣各緣由理合恭摺謹

奏再奴才拜摺後即馳回省城趕辦秋審合併聲明四月初十日奏再善後一切事宜如查緝餘黨撫恤難民安輯順苗畱防卡隘等事應專委大員經理查銅仁松桃鎮遠等官廳縣均係貴東道周緯管轄奴才即責成該道率同知府劉雁題張暉吉同知胡翹椿

知縣鄭錕崔林等妥爲辦理並令周緯於楚境接壤各苗寨親往
巡查出示曉諭俾民苗各安生業毋得仍前滋擾所有前調官兵
未便全行撤回應將鎮遠鎮標兵丁酌留數百名於緊要處所協
同守禦俟一兩月之後再撤回營其餘兵丁卽令陸續各回本營
藩司常明會同貴東道周緯料理數日後回省趕辦奏銷理合附
片奏

聞伏祈

皇上聖鑒謹

奏嘉慶六年四月二十日奉

上諭伊桑阿奏攻石峴匪苗將黔楚首夥各要犯全行擒獲辦理完竣

一摺覽奏欣慰該省石峴苗人與楚苗互相勾結焚燒民寨實屬目
無法紀伊桑阿督同常明等四面攻擊傷斃苗匪甚多並傳令將執
旂指揮苗眾之人指定放鎗擊斃餘匪四散奔竄隨剿隨撫全行平
定其首犯何秩生等俱經分別正法所辦迅速可嘉伊桑阿著交部
從優議敘賞給嵌花玉搬指一箇珊瑚豆黃大荷包一對小荷包二
箇常明在黔於苗情素爲熟悉茲帶兵身臨前敵曉諭苗人若果投
誠卽免誅戮當經苗人將爲首之隴通明等縛獻來營並有男婦老
幼等紛紛投出以致不敢復行抗拒常明前因調赴四川征兵未能
加意挑選隨營打仗多不得力曾降旨革去翎頂示懲嗣常明來京
陛見賞給三品頂戴仍著革職畱任八年無過方准開復此次常明

於苗匪滋事親帶官兵尅期辦竣殊屬奮勉常明著賞還二品頂戴並賞戴花翎其八年無過方准開復之處加恩卽行開復仍賞給鑲嵌帶頭一副大荷包一對小荷包二箇劉廷奇雙林烏雲珠等各督兵勇搶上山腰攻擊亦屬奮勇劉廷奇雙林烏雲珠俱著交部議敘發出鬘鼻煙壺十箇素文房袋十箇交伊桑阿常明分賞出力將弁以示獎勵此外如尙有在事出力各員並著查明具奏候朕再降恩旨並摺內稱所調兵丁需用鹽糧等項無多卽同司道府等捐廉辦理一節朕昨因湖北督撫等捐廉賑恤飢難各民給予議敘獎其急公但此事不可爲法恐滋流弊甫經降旨明白宣示以儆官心今該省勦辦逆苗所用餉項自當據實開報伊桑阿等毋須捐廉辦理卽

業經捐辦亦必照數給還其打仗兵丁現經該撫於每名各賞銀一兩自應如此酌賞用示鼓勵現在黔省苗疆業經綏靖伊桑阿侯孫白秉到任將善後及秋審事件面爲交代卽可赴雲南新任琅玕亦可毋庸久駐貴州督辦矣欽此

（此處為多欄空白表格，可能為原書內容或後人填寫之表）

會奏善後摺

嘉慶六年

雲貴總督琅玕
貴州巡撫伊桑阿

奏為籌辦銅仁匪苗滋事案內善後邊防事宜恭摺具奏仰祈

聖鑒事

奴才琅玕前因松桃逆苗滋擾馳赴黔省會同奴才伊桑阿

查辦緣由業經奏

聞在案茲奴才

琅玕於四月初五日自貴州省城起身兼程前進於

十二日至銅仁維時逆苗之事已經奴才伊桑阿剿辦完竣於初

十日繕摺具奏此皆仰託

聖主洪福

天威遠震得以迅速蕪功

奴才

琅玕身任總督既不能先事預防又未

能早到辦理實屬惶愧之至惟此事現雖完竣而善後一切防維

均應籌備奴才等細心商酌查松桃界連楚省該處苗人素稱獷悍乾隆六十年滋事之案卽係黔楚兩省之苗勾結起衅彼時石峴上潮之苗因已投誠並未勦殺迨平定之後湖南辦理善後事宜多設礮卡分布兵勇密爲防範而黔省因接辦興義之案不暇兼顧未經辦及故上年湖南鳳凰廳匪苗雖亦稍有滋擾之事不過本境苗人互相燒搶並未擾及漢民亦無與黔苗勾結而現在松桃逆苗竟至勾結楚苗來黔焚搶且平日竊盜之案不一而足總恃巢穴住居險山官役不敢輕進以致賊物未起犯亦難獲百姓深受其累此卽彼處有備此處無防之明驗也今經官兵勦捕焚燒苗寨殺斃多名該苗人等縛獻首逆乞命投誠似無戮降之

理自應就事完結但若不籌畫萬全苗人性等羊犬難保不復萌故智兵至則乞命投誠兵去則怙惡不改勢必時生騷擾不惟良民受害抑恐屢動官兵僅爲暫時苗防實非長久之計奴才到銅之日卽有本處前經受害之難民等擁道跪求保全日後且現在夥黨尙未搜查盡淨官兵亦未撤回歸伍是善後事宜更關緊要奴才等不敢以眼前事竣不顧將來自應詳細籌畫現往履勘各處情形應如何設汛安卡如何抽撥兵丁逐一籌辦奴才伊桑阿現屆秋審之期已經奏明應先回省辦理奴才琅玕在銅仁雷駐數日率同藩司常明貴東道周緯詳細籌畫並將降苗分別辦理不使仍回舊巢聚集滋事務期嚴密防維有備無患俾邊隅甯甯

湖南苗匪中丞奏 卷四
民苗咸歸安堵一面出示曉諭各苗寨不許窩留餘黨派撥將弁
兵役於深山密箐之中詳細梭查不使逃匪漏網除俟酌定章程
另行具

奏再行回滇外所有 奴才 琅玕抵銅現在會同 奴才 伊桑阿籌辦善
後邊防緣由理合恭摺具奏伏祈

皇上聖鑒謹

奏嘉慶六年四月十五日奉

上諭琅玕等奏籌辦銅仁苗匪滋事案內善後邊防事宜一摺覽奏俱
悉摺內有身任總督不能先事預防早到辦理實屬惶愧之至等語
此次銅仁苗匪在松桃一帶滋事琅玕遠在滇省接到黔省之稟報

卽迅速前往而未到之先業經伊桑阿督同常明將黔楚苗首夥各
要犯俱行擒獲辦理實爲迅速深慰朕懷封疆大吏遇地方有事祇
期早臻甯謐不必功自己出琅玕何惶愧之有至所稱從前黔楚兩
省苗匪平定之後湖南辦理善後多設碉卡分布兵勇密爲防範而
黔省未曾辦及以致復有勾結焚搶之事等語不曾回護所見甚是
銅仁松桃等處苗疆前次未經分設碉卡預爲防守皆係勒保鄂輝
任內之事或係伊等未曾籌畫及此抑係該處山險路僻限於地勢
無從設卡守禦現在琅玕親駐該處務當細心審度因地制宜應如
何分派兵勇在沿邊一帶立卡防守爲一勞永逸之計卽酌量妥辦
不可稍存惜費之見倘經理未妥日後苗眾或再有滋事仍須調兵

海內首陽正考 卷四
三
勦捕是欲節省而轉多糜費也琅玕俟辦理善後完竣再行回駐雲南伊桑阿仍遵前旨俟孫白秉到任後即赴滇撫新任將此諭令琅玕並諭伊桑阿知之欽此

奏為遵

旨查明銅松匪苗起事緣由摺

嘉慶六年

雲貴總督琅玕

旨查明銅仁松桃一帶苗匪起事緣由並現在籌辦實在情形詳悉縷

陳仰祈

聖鑒事

奴才

於四月二十日在石峴軍營承准軍機大臣字寄嘉慶

六年四月十二日奉

上諭本日伊桑阿奏銅仁松桃一帶苗匪焚搶滋事並未訊明起事緣由殊欠明晰現在伊桑阿派撥官兵交藩司常明等帶領前往查辦該撫亦已由鎮遠赴銅仁彈壓恐不足恃琅玕接到地方稟報應即酌量緩急如苗匪滋事情形較重琅玕即同提督珠隆阿前赴該處

勦捕倘事屬易辦琅玕亦應酌帶兵力親往督率辦理珠隆阿卽不必前去該督亦不可存輕視之見稍涉大意務須將苗匪首犯悉數擒拏葢事以期綏靖邊隅至苗民甫經戡定何以肆行滋擾雖據廳飭稟稱查係銅仁所屬石峴上潮等處十四寨窮苗與楚苗互相勾結爾伊桑阿於常明拏解石峴爲首苗匪白老寅等到案時並未逐一研訊因何起事緣由卽將該犯等凌遲斬決實屬草率並著琅玕將此次苗匪起衅各情節詳細查明先行據實具奏將此由五百里諭令知之欽此遵

旨寄信前來

奴才

跪讀之下仰見

皇上厯念苗疆慎重周詳之意竊

奴才

前因逆苗滋事於四月十二日

馳抵銅仁得知石峴逆巢已經撫臣伊桑阿督率勦辦完竣其餘賊匪均已投誠具奏維時奴才因難民紛紛投訴餘黨尙未盡淨官兵亦不撤回是以奏明暫畱銅仁查辦搜捕餘黨及邊防善後各事宜在案奴才當卽一面嚴札該司將等搜查餘匪不使漏網一面出示曉諭安撫難民賞給籽種俾令卽早歸業乘時耕種並飭該地方官尋獲奔散婦女給領以安眾心旋據該司道等先後拏獲吳光華等十六名又據銅仁縣鄭錕拏獲吳石保等八名逐一研訊均係隨同燒搶之人據供惟知得財分用其如何敢於滋擾因何不慮及官兵勦捕之處不能詳細供出而從前之所獲首犯白老寅等已經正法無從訊究明晰奴才當於投降各苗人等

逐一查訊究出此內卽有逆首一名白雙元嚴行審究該逆係石
峴寨頭乾隆六十年逆苗滋事之時該逆帶苗人投誠是以彼時
並未勦洗該寨內外大小九寨約有四百餘戶男婦三千餘人其
中有田產者過半餘皆窮苦無產專藉偷搶度日恃山寨陡險外
人不識路徑新例又不許官役擅入苗寨無查拏之人是以遠近
苗匪倚爲巢穴從前該逆因係頭人尙爲管束後因分給贓物亦
卽聽從本年二月內石峴寨白觀元白老官白喬生白士柏何再
隆等來向商議逐日搶奪不過眼前度日終非常法想起乾隆六
十年與湖廣苗人同時燒搶起事貴州苗人先行投順沒得多佔
便宜惟湖廣苗人燒殺起事漢人甚多後來也准投誠所有漢人

空下田產俱歸苗人耕種心想若能多燒村寨多搶東西一來目
前可以分用二來漢人奔散逃亡卽有官兵到來倚仗山險可以
抵禦如到事急卽行投降亦可免罪所有空出田地大家分種以
爲計出萬全於二月二十八日在上潮河堤同吃血酒先後糾約
上潮下潮石峴各寨及巖屯溝黃茅蓬等十四寨苗人共五千餘
人以已獲正法之白老寅何秩生白士柏隴通明龍勝華及未獲
之白喬生何再隆白觀元龍元大龍有保龍興華龍老五並鎗斃
之龍老八及該犯白雙元等爲頭人又恐人少難以行事令龍老
八等前往勾結松桃連界之湖南蘇麻風桶雞籠等寨苗人數百
餘名許以如得東西楚苗分去剩得地土盡歸本處苗人於三月

海南首附中正者 卷四
初三四五等日遂從平頭司燒搶起共燒過民寨大小三四十處
該犯會分得銀錢衣物因見官兵到來勦辦心存畏懼將自己房
屋燒燬捏稱被眾苗搶燒隨同投降希冀免死至苗人等原只貪
圖搶奪財物佔踞田產實無謀逆之心等供此外亦無挾仇圖害
情事反復刑訊欠口不移較從前審訊白老寅之供尚無歧異是
該犯等總因六十年之案未經痛加勦捕故該犯等但知貪利得
產竟不畏懼官兵係屬實情並非有心謀逆尚屬可信此係逆苗
起意滋擾之原委也 奴才當於審明後同續獲各犯正法梟示眾
人無不稱快並據各地方官查明焚燒被擾民寨四十七處燒燬
草瓦民屋三千四百餘間傷斃人口一百四十八名較之六十年

滋事之案情事雖輕但其起意圖佔漢人田產蓄計效尤先已計
及官兵到來投降倖免實為狡惡可恨幸仰仗

皇上

天威洪福該匪等僅附近勾結十四寨苗人非如從前蔓延勢大

一時難以收功可比經撫 臣伊桑阿督率文武弁兵將險要石峴

逆巢大鬼山九寨攻克餘黨俱准投降是以趕緊具奏以冀早慰

聖懷

現在逃逸夥黨以次搜獲似亦可就近完結惟是 奴才到銅仁以

來日有難民紛紛投訴共稱尚有賊巢未洗匪黨未淨將來擾害
如常小民難安身命等語並據常明等稟報先已乞降之上潮下
潮巖屯溝等寨已逾旬日該寨苗人尚未投營將賊頭縛獻又未
繳出器械是其投降之說實難憑信况苗性反復無常早經蓄謀

欺謊若官兵一經撤回漢民不能復業又致釀成事端看此光景不獨民心疑懼奴才亦實不放心奴才當卽馳抵軍營與藩司常明貴東道周緯及協將等再四熟籌此時若不乘此軍威將逆寨痛加剿洗始終不知畏懼惟查石峴險要逆巢既經攻克其餘自易蕩平第日前賊人恃險無備故我兵得以乘機集事今上潮等寨先卽投降至今未出該逆苗之巢穴山徑雖稍遜於石峴亦屬崎嶇陡險該逆等先經投降至今不出其爲巧詐無疑此時自必多方防備必須計出萬全方可進剿且若不先行布置妥協更恐別寨良苗共生疑懼是以奴才仍以撫卹難民收服順苗查拏餘黨爲名派委將弁等官搜查山箐暗尋出沒路徑據常明周緯將

現在調來隨同官兵打仗之苗弁內擇其素爲可信明白之人密授機宜各赴良苗寨內明白曉諭不使心存疑懼正在籌度間適有湖南鳳凰廳同知傅鼎至交界處所堵禦聞知奴才到此卽帶領平日調揀之勇健鄉兵一千五百名前來謁見素知該員熟悉苗情最爲得力之人情願幫同剿捕得此一股兵力軍威倍加壯盛更不難辦理奴才未嫻師旅深恐釀成巨案斷不敢稍存貪功喜事之心但民心未平值此逆寨無多易辦之時必應乘機剿洗示以軍威既可大省兵力亦可永除後患斷不敢冒昧輕躁激成事端一俟奴才布置妥協籌畫萬全仰仗

聖主天威卽可一鼓蕺事以期綏靖邊圉永臻甯謐所有奴才遵

旨查明苗匪滋事緣由及現在籌辦情形詳悉據實恭摺馳奏伏祈
皇上聖鑒謹

奏

臣等查苗匪滋事緣由及現在籌辦情形詳悉據實恭摺馳奏伏祈
皇上聖鑒謹

奏勦巖屯溝摺

嘉慶六年

雲貴琅

玕

奏為巖屯溝黃茅蓬賊巢及助惡抗拒之野竹塘芭蕉灣各逆寨痛

加勦洗生擒著名賊目縛獲殲斃夥黨多人恭摺馳奏仰祈

聖鑒事

奴才

赴抵石峴軍營業將遵

旨查明苗匪滋事並籌勦未淨逆寨及差苗弁曉諭順苗派員前往探
路各緣由縷晰奏明在案查上潮下潮在石峴之東相隔三十餘
里巖屯溝黃茅蓬在石峴之西相隔十餘里道路俱係峻險先經
派委官兵並順苗人等周圍設卡嚴密防堵旋據常明周緯差去
之苗守備田老官龍岩二等同稱上潮下潮之鄰近各寨均皆畏
法安分並以攻勦逆寨恐有逃竄均願協力防堵當即曉諭伊等

湖南首陽中政考 卷四
不得疑懼驚惶苗人無不感畏惟巖屯溝黃茅蓬之毘連各寨向
俱狼狽爲奸素爲良苗百姓所深恨現在石峴等寨逃匪在彼處
窩藏者甚多且聞有官兵攻剿時卽前來幫助之語是巖屯溝一
路尤爲可恨若不速爲勦滅恐致日久人多又生他慮並據派委
探路之督標千總安朝聘貴陽營千總劉子玉帶同熟路徑之苗
弁分投躡探據稟巖屯溝寨本有兩路可通俱經逆苗堆砌亂石
晝夜堵守甚爲嚴密急難得手惟山後另有小路兩條俱係險窄
山徑馬匹難行現尙無人防守可以由此進攻稍遲卽恐又被堵
塞等語奴才當卽密派藩司常明副將雙林鳳凰廳同知傅鼐帶
同千把外委等及隨傅鼐前來之世職鄭國鴻把總吳貴領兵一

千二百名令安朝聘前引爲一路又派副將劉廷奇游擊烏雲珠
帶守備陳廷玉千把外委等領兵一千二百名令千總劉子玉前
引爲一路由山後兩頭進發約定山頂會齊出其不意分攻賊寨
又派貴東道周緯署遵義協副將游擊劉瑄黎平府知府程卓梁
帶領備弁及兵勇六百名爲一路各從山前攻打石卡以分賊勢
並授以機宜如能將石卡攻破卽畱兵一半在外防堵一半進剿
奴才帶領隨營辦事之思州府劉雲景東同知惲奕思茅同知王
述炳筆帖式忠福備弁等官帶領官兵四百名苗兵二百名隨後
親往督催策應五路兵勇於二十八日丑刻起身因山後小路崎
嶇險岌只容一人一騎所有領兵各員俱下馬督催兵勇魚貫拉

湖南苗匪中政考 卷四
扯而上直至天明兩路兵勇始過山頂該處雖無牆卡亦有數人在彼處放哨瞥見官兵已到即放鎗抗拒兵勇亦即向上施鎗箭至稍寬之處乘空擁上山梁擒獲逆苗一名砍死一名餘苗奔跑常明傅爾雙林等驅兵直抵賊寨已先設有木柵逆苗抵死守拒兵勇鎗礮齊放焚燒木柵而副將劉廷奇等所帶兵勇亦即趕上山梁合兵奮力勦殺山前兩路官兵見賊寨火起齊聲吶喊奮力仰攻其時把守山口之逆苗知寨內官兵已入驚惶失措無心守禦俱各回寨抵敵周緯劉瑄等乘勢率領兵勇將兩處堆砌亂石搬開各畱兵一半防堵其餘一擁而入奴才亦督令後隊官弁兵丁鄉勇直入鎗礮齊施打死賊苗無數該苗等見官兵勢眾越嶺

脫逃思欲由山逃出又被鎗礮擊回而各山凹岔口先經派有隨營委員營弁帶同屯勇並順苗等防堵難以逃遁該司將等即將巖屯溝全行洗蕩燒燬房屋即催兵至黃茅蓬勦洗早有逆苗多人放鎗迎敵我兵並力向前突有二賊目執旂招轉隨有兩路賊苗從旁蜂擁而出希圖斷截官兵該司道將弁等分兵抵敵將執旂逆苗二人俱行鎗斃痛加擊殺逆寨概行燒燬隨於生擒逆苗內訊出係野竹塘芭蕉灣水竹園三寨苗人因聞官兵勦洗前來救應與苗弁等所探情節相同該苗等雖未認隨同燒搶而此時膽敢助惡抗拒其爲夥黨無疑不可不概予洗除以絕後患當飭該司道將弁等分兵將野竹塘芭蕉灣水竹園三寨立行圍勦官

兵鄉勇自丑至酉莫不奮勇爭先共剿過逆寨五處時已將暮卽將兵勇撤令回營此次仰仗

聖主

鴻福將士用命並有鳳凰廳同知傅節前來助力該員所練兵勇

強健敢先無不以一當十而官兵等亦各奮勉爭先更有難民人等見

奴才

前赴軍營紛紛投來願同助勢殺賊洩忿一日連克五

處逆寨生擒賊目唐子時唐老太隴老華田在明麻老瓦龍金才田再時唐復興龍老榮等九名夥黨五十一名老幼男婦二十三口割獲耳計六百七十六對首級二十一顆鎗斃礮打投河落崖燒死者不計其數搶獲烏鎗九十餘桿苗刀長矛等械無數牛馬米穀甚多查該五處苗人不過三千之數而生擒傷斃不下二千

餘名其先經躲避或臨陣脫逃者仍飭搜查不使漏網

奴才回營

後查點弁兵鄉勇內千總劉子玉左手得受矛傷外委石進德右膀被刀砍傷其餘陣亡鄉勇一名兵丁鄉勇共受傷二十九名

奴才

當將陣亡鄉勇及受傷官弁兵勇酌量先行給賞擒獲首夥各犯審明正法老幼男婦另行分別辦理搶獲米穀牲畜分賞難民並於次日又派將備等帶領兵勇進山搜查拏獲深箐山砦內藏匿逃匪十一名內有一名何再隆係上潮爲首之人該犯兇橫異常身受五鎗始行打倒被獲亦卽立時辦理人心無不稱快而各寨苗人俱膽落心驚卽有附近苗弁帶同頭人前來乞命願隨打仗殺賊如有逆苗逃往寨中立卽拏獲呈送不敢容畱並已有拏

獲竄匪縛送到營者情形實在畏懼當即一一安慰而去所有石
峴以西巖屯溝一帶不法逆寨俱已肅清民苗均知感畏至上潮
下潮其勢愈孤更覺易於辦理約一二日即可剿辦完竣惟期迅
速蕞功永臻甯謐所有攻克巖屯溝等五處逆寨緣由理合恭摺
由驛馳奏伏祈

皇上聖鑒謹

奏

奏攻上下潮肅清摺

嘉慶六年

雲貴

玠

奏為攻克苗匪首先起事之上潮下潮逆寨全行掃蕩擒戮著名賊
首苗情震懾全境肅清恭摺奏報仰祈

聖鑒事

奴才

前於剿辦岩屯溝等處完竣後即將趕緊籌剿上潮下

潮緣由奏明在案旋因連日陰雨泥濘未能進兵查上下潮在石
峴之東兩寨緊連接續自石峴向東俱係崇山峻嶺偏坡山路約
行三十里至八十坡大山下坡二三里又係長山一帶極其聳峻
中有峽溝一道直通該寨甚為窄狹乃係苗人出入門戶該逆等
即在該處防守甚為嚴密入峽溝內寨前有大溪環抱水尚不深
亦無橋梁奴才連日差人躡探並密傳附近順苗千總隴老三等

詢問該寨四面環山除此峽溝之外並無別路可以進攻惟有厚集兵力攻破峽溝始能直搗逆寨該匪等爬山越嶺較官兵倍爲便捷恐官兵攻擊之時四散竄逸必須密爲布置方能一鼓兜擒奴才於到軍營之先已派撥文武員弁帶同鄉勇苗兵於四面要隘處所設卡防守遂於初三日晴霽之後密派副將劉廷奇游擊張明成並備弁等官帶領兵勇一千名苗兵一千名又派貴東道周緯游擊烏雲珠並備弁等帶領兵勇一千名令苗弁隴老三隴正才引路由八十坡之左右分往兜圍俟天亮時卽上山梁助勢堵截均於一更時起身隨派藩司常明參將雙林同知傅鼐並備弁等帶領兵勇二千名由八十坡取道進攻奴才率同委員備弁

等官督領兵勇苗弁共一千名隨後策應初三日卯刻常明所帶官兵行抵坡下見峽溝以外苗匪數百人屯聚望見官兵將至卽施放號鎗抵敵常明等催令兵勇併力向前鎗箭齊放苗匪卽退於峽溝向外擲石放鎗抵死抗拒而該處地甚窄狹兵勇又不能多進遂用礮向內連擊轟斃數人賊始後退官兵鄉勇一面施放烏鎗鼓勇搶進苗匪飛奔溝邊跣水而渡兵勇全數由峽溝而入一齊用鎗追擊直至溪邊苗匪大半跣過其在後中鎗落水者不計其數官兵人馬均於水淺處過溪直逼上潮寨前有苗匪數百人搖旂吹角吶喊前來刀矛抵拒施放烏鎗勢甚兇猛我兵勇雖有受傷而齊心奮勇併力爭先鎗箭齊發並分兵入寨搜拏舉火

湖南苗匪正考 卷四
燒燬賊寨逆苗一見火起驚惶忙亂紛紛奔跑常明等驅兵直指下潮而下潮苗匪在峽溝把守者已於溪邊鎗斃無數餘見上潮已破官兵勢大不敢抵敵卽望四山高險處逃命周緯劉廷奇張明成烏雲珠業已帶領兵勇由後上紮山梁因山勢陡峻不能壓下見苗匪逃竄四面鎗礮並舉苗匪皆紛紛滾巖落箐各處藏躲奴才催令後隊官弁兵勇齊整一半紮住溪邊一半派令前往協同常明等對面夾攻隨路截殺焚燒逆寨其復有奔回欲行渡溪者俱被所紮之兵擊死溪內並飭將備等帶領兵勇於深林密箐中到處搜拏生擒首夥苗匪六十二人老幼男婦二十一人割獲首級六十一顆耳計二百二十對鎗箭殺死及滾岩落水燒斃者

不計其數奪獲烏鎗五十二桿刀矛一百四十二件小鐵礮一箇牛馬米穀無數奴才隨卽撤兵將擒獲各犯逐一審訊內有隴元大隴育保隴與華隴老五等四名俱係爲首糾約燒搶之犯餘供隨同滋事抗拒官兵俱卽正法梟示所獲牛馬米穀分給難民老幼婦女另行分別辦理查點此次打仗千總安朝聘石傷左腮把總蘇元鎗傷左手陣亡兵勇四名鎗傷九名鄉勇受傷十一名當卽分別給賞奴才查上潮下潮地勢之險雖稍次於石峴而其窩藏積匪實與石峴無異今幸仰仗

天威得以一鼓掃掣擒獲緊要賊首立行正法實足以彰

國憲而快人心奴才撤兵回營時卽有難民及苗弁帶同順苗人等

伏地叩頭齊聲感戴看此情形地方民苗可臻甯帖足以上慰

聖慈

惟據各犯供出之頭人白觀元白喬生二名未經就獲其或臨陣被殺或餓死深山密箐抑或免脫逃生俱未可定再節次攻剿搜山被官兵當時擊斃並擒獲正法以及投崖落水身死之外亦尚有未獲餘匪原應查拏盡淨但若因此大加搜索驚擾良苗以致各寨均生疑懼亦非綏靖苗疆之道奴才當即出示曉諭各寨順苗畱心稽查遇有此案餘黨即行縛獻倘有知情容畱即照同夥究辦該苗等無不畏懼連累斷不敢稍有隱匿自不致任其漏網所有苗匪滋事糾約各寨前已經伊桑阿攻克石峴等寨奴才續又勦洗岩屯溝黃茅蓬及現在攻克上下潮以及助惡為匪之芭

蕉灣野竹塘等逆寨全行勦洗完竣緣由理合恭摺由驛馳奏伏

祈

皇上聖鑒謹

奏

結燒搶之案奴才馳抵銅仁細加訪察知石峴地方山居險僻苗人獷悍該處田地雖多而額糧僅征二石有零且並不按年交納地方官不能催追亦從無當夫受雇凡遇盜竊爲匪官役不能入寨查拏山內亦無漢民寨落不但地方官無從苛累漢民亦無從盤剝緣恃有險可以藏匿遂至藐法橫行奴才由銅仁前赴石峴軍營一路察看自正大營至八石坡約五十餘里俱傍山溝而進雖渡水數次而道路尚平自八石坡山脊一線直上里餘越過尖峰及越山隘數重方抵石峴道路之險或上至山頭或下入箐底窄處人不能並肩陡處馬不能駐足奴才督同官弁前進屢有必須下馬步行之處查該處斜長二十餘里週圍七十餘里其中眾

山盤錯竟無數十步平原之地奴才於勦辦完竣後復由軍營親往各逆寨基址復加查看雖均屬難行之路有可恃之險而石峴爲尤甚該處層層陡峰處處深箐山凹岔口甚多凡有平坦隙地俱係水田而道路均係斜坡竟有雙足不能並立之處俗名呼爲苗道該匪等窩巢或高踞山頭或低藏箐底皆係人跡不易到之區山內並無漢民住址是該匪等之倚恃險阻固屬實情而官役不能搜求漢民無從盤剝亦無疑議所以六十年滋事之案大兵未經勦入卽准其投誠今匪等苗性犬羊復萌故智幸仰仗

皇上

德威遠布得將險要逆巢全行勦洗由此苗疆共慶肅清邊隅可期甯謐查上潮下潮岩屯溝黃茅蓬新屯等處雖係同時勾結之

寨但附近尚有順苗寨落且細加訪查此中有於逆苗滋事之先畏懼連累先已搬移逃避者而附近良民有於官兵進剿之時幫同出力截堵者所有各寨田畝本無石峴之多似應將逃出良苗招令復業其餘逆產應俟查明出力苗人分別奏請

諭旨

賞給耕種以示獎勵而分良莠惟石峴地方並無守法良苗而巢

穴之險要亦非他處可比今既淨掃頑氛斷不可再令苗人盤踞險巢復滋事端所有逆產自應全行入官仍須仿照楚省苗疆安汛設卡派撥兵勇以資巡防奴才查石峴西距松桃六十里東距正大營七十里南接平頭司及四十八溪二十餘里實爲黔省苗疆扼要之區此處設立汛卡駐劄官兵屯勇不獨該處匪苗永遠

無險可恃而四面苗寨均可以資震懾惟山勢險峭路徑錯雜必須設卡百餘座派兵千餘名方能防範周密黔省兵丁既無可抽之處而又難以額外加增奴才愚昧之見惟有仿照九衛屯田之例招募屯兵令其守卡巡防卽將石峴逆產給與耕種俾足以敷養贍不致再糜糧餉現飭藩司常明貴東道周緯及銅仁協府等妥議設卡處所及屯兵名數勘明逆產數目奴才復加酌核另行具奏請

旨至

此案滋事頭人除拏獲正法及臨陣擊斃之外尚有未獲白觀元白喬生二名其存亡雖未得知仍應嚴行查拏其餘在逃夥黨亦宜搜捕淨盡以期盡絕根株但查此次滋事首犯除白老寅隴通

明係起意之人已經正法其餘爲頭者不過帶同各本寨之人燒搶希圖多得一分財物卽謂之首較別案逆首眾匪推之爲尊者情形迥不相同現在嚴飭各苗寨畱心稽查不許容畱隱匿據各寨順苗具結呈投倘遇各犯逃竄入寨卽行縛送並各處所設苗兵實力查拏現在各卡已有拏獲送營者自不致任其漏網惟是各苗寨聞知奴才督兵進剿俱心疑欲將伊等寨落不分良莠盡數剿除間有遠避搬移之人雖經出示曉諭而愚苗無知奴才一日駐劄在營苗情一日疑懼不甯且恐有無籍游民希圖生事捏詞恐嚇等事是苗人畏懼旣深自不敢再行滋事而無罪良民致令失家離業亦非仰體我

皇上

安馭苗人綏靖邊圉之意現當栽種之期亟宜息事甯人俾良苗

安心復業

奴才

於拜摺後將隨營弁兵酌畱數百名交與常明周

緯雙林等在彼彈壓以便丈量石峴逆苗地畝查勘設卡之處就近詳細繪圖並令苗弁人等將躲避畏懼之良苗速行招回令其歸業奴才卽於次日上路查看民苗情形仍回銅仁駐劄將一切善後事宜辦有章程再行具奏請

旨所

有察看石峴等處情形籌辦善後及撤兵安撫緣由理合先行詳

悉奏明再

奴才

於拏獲要犯時逐一審訊僉供此次苗匪滋事實

係黔苗起意燒搶糾約附和之湖南蘇麻風桶鷄籠等寨三百餘人前來幫助查該苗匪等聚眾焚掠往往黔楚互相糾約原無謀

逆情事此番所約人數尙不甚多經官兵逐細搜剿楚苗賊目麻天保龍老波等十餘人窩畱石峴等處者均按名擒戮其逃回楚寨各犯據鳳凰同知傅鼐稟稱已經會同營員帶領兵勇將賊匪較多之鷄籠寨焚剿合計擒戮苗匪及於各寨搜獲者共有一百六十餘名續據蘇麻風桶二寨苗備隴秀彩等縛獻餘匪四十三名除在黔拏獲正法外似已搜捕殆盡等語該員現在黔營隨同奴才已將岩屯溝等寨及上潮下潮剿辦完竣即日回廳審明稟報應聽楚省具奏完結合並奏

聞伏祈

皇上聖鑒謹奏

奏誘擒永綏癩苗龍六生等並追獲舊失關防摺

嘉慶八年

湖南高杞

奏爲追獲舊失鎮筮鎮關防苗疆現臻安謐恭摺奏祈

聖鑒事竊

奴才

前以苗疆每屆年底閒有窮民潛出掠食且永綏廳甫

經內移痞苗等爭佔空房地土不無散布謠言密飭傅鼐前赴黔楚沿邊處所鎮靜彈壓相機妥辦並令就近會晤黔省道廳將黔邊堡卡趕緊修繕務使一律完整業於正月十九日附片奏蒙

聖鑒

在案茲據傅鼐稟稱親赴沿邊巡查防範據委員千總楊昌禮訪得補抽寨癩苗龍六生大哨寨癩苗龍大古龍五沙等因山中鋤土拾得鎮筮鎮舊關防一顆將紅土塗印傳觀遂藉此布散謠言

滇南百苗匪正考 卷四
翼圖煽惑經該丞令其設法追繳旋據該千總李可仁外委翟上
富將爲首癩苗龍五沙龍大古之子姪龍老那龍七斤兩人帶出
投見乞饒供稱伊父叔龍五沙等現已逃匿深巢不敢多事該丞
於黔楚交界之巴茅坪整率練勇示以聲威剴切曉諭痞苗等咸
知震懾隨同苗弁陸續投見願充苗兵俱經暫爲撫馭飭令苗弁
管束於滾牛坡胡蘆坪一帶紮卡守路現在訛言已息邊境救安
等因 奴才 查所獲鎮筇鎮舊關防係乾隆六十年逆苗滋事前任
總兵明安圖在排打扣地方被害遺失戡定以來迄無下落今爲
該匪拾得因而藉圖煽惑現經傳爾委弁立時追出痞苗等無可
附和漸已畏懼解散陸續投出其爲首癩苗龍六生龍五沙龍大

古三人仍飭傳爾督飭各弁並剴諭苗弁設法誘擒務在不動聲
色妥爲辦理仍令傳爾於上下九里等地方嚴密巡防並將投出
各苗人撫馭得所俾羣苗咸歸約束各務春耕以期邊境永靜上
紓

慈廬所有追出舊失鎮筇鎮之關防除飭辰沅道鄭人慶委員賁省驗
明遇便解部查銷外理合恭摺奏

聞伏祈

皇上聖鑒謹

奏嘉慶八年二月十八日奉

硃批覽奏俱悉欽此

